

紀元要略
紀元要略補



紀
元
要
略

陳景雲纂

中
華
書
局

紀元要略

此據藝海珠塵本
排印初編各叢書
僅有此本

紀元要略卷一

陳景雲纂景雲字少章江蘇長洲人補吳江縣學生卒私諱文道先生

年號始自漢武故纂始於漢并及高惠文景者欲備一代始末也三國南北朝國各有史宋遼金元亦四史並傳故所纂各繫以國不統於一而於本國改元下仍分註列國年號以便參考至歷代興廢大略與享國降年之修短亦附載焉乙酉夏月陳景雲書

前漢高祖初封漢王都南鄭今陝西省漢中府後有天下定都長安今陝西西安府國號漢因始封也太祖高皇帝姓劉氏名邦字季沛人今江南徐州沛縣以秦二世元年壬辰九月起兵爲沛公乙未十月入關滅秦爲漢王己亥十二月滅項籍卽帝位在位八年丙午四月崩年五十三葬長陵

孝惠皇帝名盈高祖太子丙午五月嗣位在位七年癸丑八月崩年二十四葬安陵帝崩無子帝母呂太后取家人子名爲孝惠子立之太后臨朝稱制辛酉七月太后崩

太宗孝文皇帝名恆高祖中子初封代王辛酉七月呂后崩大臣周勃等迎帝於代九月卽位在位二十三年甲申六月崩年四十六葬霸陵

孝景皇帝名啟太宗太子甲申六月嗣位在位十六年庚子十二月崩年四十八葬陽陵世宗孝武皇帝名徹景帝太子庚子十二月嗣位在位五十四年甲午十二月崩年七十一葬茂陵改元

十一、建元六、元光六、元朔六、元狩六、元鼎六、元封六、太初四、天漢四、太始四、征和四、後元二。

孝昭皇帝名弗陵。世宗太子。後元二年甲午二月。嗣位。明年改元始元。在位十三年。丁未四月。崩。年二十一。葬平陵。改元三。始元六。元鳳六。元平一。

中宗孝宣皇帝名詢。初名病已。字次卿。世宗曾孫。戾太子據孫。征和二年。太子父子並坐巫蠱事遇害。及元平元年丁未四月。昭帝崩。無子。立世宗孫昌邑王賀。以無道廢。大將軍霍光等定策迎帝於民間。立之。丁未七月。卽位。明年改元本始。在位二十五年。壬申十二月。崩。年四十三。葬杜陵。改元七。本始四。地節四。元康四。神爵四。五鳳四。甘露四。黃龍一。

高宗孝元皇帝名奭。中宗太子。黃龍元年壬申十二月。嗣位。明年改元初元。在位十六年。戊子五月。崩。年四十三。葬渭陵。改元四。初元五。永光五。建昭五。竟寧一。

孝成皇帝名驁。字太孫。高宗太子。竟寧元年五月。嗣位。明年改元建始。在位二十六年。甲寅三月。崩。年四十六。葬延陵。改元七。建始四。河平四。陽朔四。鴻嘉四。永始四。元延四。綏和二。

孝哀皇帝名欣。高宗孫。定陶王康子。成帝無嗣。立爲太子。綏和二年甲寅四月。嗣位。明年改元建平。在位六年。庚申六月。崩。年二十六。葬義陵。改元二。建平四。元壽二。

孝平皇帝名衍。初名箕子。高宗孫。中山王興子。元壽二年庚申六月。哀帝崩。無子。太皇太后王氏徵帝入。

繼大統。九月即位。明年改元元始。在位五年。乙丑十二月。爲王莽所燒。年十四。葬康陵。改元一。元始。
孺子嬰。中宗玄孫。元始五年乙丑十二月。平帝崩。無子。王莽以太皇太后詔徵入。明年三月。立爲皇太子。
改元居攝。莽攝政。初始元年戊辰十二月。莽篡立。廢爲安定公。莽僭號新立十六年。凡三改元。始建國。
五。天鳳六。地皇四。至癸未二月。景帝六世孫玄稱帝於宛。今河南南陽府。改元更始。九月。漢兵誅
莽。遷洛陽。今河南府。二年二月。入長安。三年正月。嬰稱帝臨涇。今陝西涇州。更始遣兵擊殺之。尋復爲
赤眉所滅。

右前漢十二世。凡二百年。起己亥。盡戊辰。

後漢 都洛陽。以長安爲西都。

世祖光武皇帝名秀。字文叔。南陽人。今南陽府。景帝子長沙王發五世孫。高祖九世孫也。壬午十月。自南
陽舉兵討王莽。癸未六月。破莽兵百萬於昆陽。今河南許州境。莽尋滅。復平河北。更始二年甲申五月。
封蕭王。明年六月。卽位於鄧。今直隸高邑縣。改元建武。十月定都雒陽。在位三十三年。丁巳二月。崩。年
六十二。葬原陵。改元二。建武三十一。建武中元二。

顯宗孝明皇帝名莊。世祖太子。中元二年丁巳二月。嗣位。明年改元永平。在位十八年。乙亥八月。崩。年四
十八。葬顯節陵。改元一。永平。

肅宗孝章皇帝名烜。顯宗太子。永平十八年乙亥八月。嗣位。明年改元建初。在位十三年。戊子正月。崩。年

三十三葬敬陵改元三建初八元和二章和二

穆宗孝和皇帝名肇肅宗太子章和二年戊子二月嗣位明年改元永元在位十七年乙巳十二月崩年

二十七葬愼陵改元二永元十六元興一

孝殤皇帝名隆穆宗少子始生百餘日養於民間穆宗崩皇后鄧氏與兄鸞等定策立之元興元年乙巳

十二月嗣位太后臨朝明年改元延平八月崩年二歲葬康陵改元一延平

孝安皇帝名祐肅宗孫清河王慶子延平元年丙午八月殤帝崩鄧太后與兄大將軍鸞定策立之明年

改元永初在位十九年乙丑三月崩年三十二葬恭陵改元五永初七元初六永寧一建光

一延光四

孝順皇帝名保安帝太子先以無罪廢安帝崩皇后閭氏與兄車騎將軍顯立章帝孫北鄉侯懿十月殂

太后臨朝十二月宦官孫程等共謀立帝明年改元永建在位十九年甲申八月崩年三十葬憲陵改

元五永建六陽嘉四永和六漢安二建康一

孝冲皇帝名炳順帝太子建康元年甲申八月嗣位明年正月崩年三歲葬懷陵改元一永嘉

孝質皇帝名續肅宗玄孫渤海王鴻子永嘉元年乙酉正月冲帝崩梁太后與兄大將軍翼定策立之太

后仍臨朝明年改元本初閏六月爲冀所酖年九歲葬靜陵改元一本初

孝桓皇帝名志肅宗曾孫懿吾侯翼子本初元年丙戌閏六月質帝崩梁太后與兄翼定策立帝明年改

元建和在位二十一年。丁未十月崩。年三十六。葬宣陵。改元七。建和三。和平一。元嘉三。三年四月改元。永興二。永壽四。四年六月改元。延熹九。永康一。

孝靈皇帝名宏。肅宗玄孫。解瀆亭侯。薨。子永康元年。丁未十月。桓帝崩。無子。竇太后與父大將軍武迎帝入都。明年正月即位。改元建寧。在位二十二年。己巳四月崩。年三十四。葬文陵。改元四。建寧五。五年五月改元。熹平七。七年三月改元。光和七。七年十二月改元。中平六。

少帝名辨。靈帝子。中平六年己巳四月。嗣位。改元光熹。帝舅大將軍何進謀誅宦官。召并州牧董卓至。進爲宦官所殺。卓廢帝爲宏農王。明年正月被弑。年十八。改元二。光熹八月改元。昭寧。

孝獻皇帝名協。字伯和。靈帝子。少帝弟。初封陳留王。昭寧元年己巳九月。爲董卓所立。改元永漢。在位三十三年。庚子正月。禪位於魏。封山陽公。至明帝青龍二年甲寅五月。殂。年五十四。追加尊諡。葬禪陵。改元五。永漢一。初平四。興平二。建安二十五。二十五年三月改元。延康一。右後漢十三主。凡一百九十六年。起乙酉。盡庚子。

蜀漢 都成都。今四川成都府。

昭烈皇帝名備。字玄德。涿郡人。今直隸涿州。景帝子。中山王勝之後。以建安十九年甲午。取益州。今四川雲南貴州地。二十四年己亥。取漢中。稱漢中王。辛丑四月。卽帝位。改元章武。魏黃初三年。在位三年。癸卯四月崩。年六十三。葬惠陵。改元一。章武。

後主名禪字公嗣昭烈太子章武三年癸卯五月嗣位改元建興魏黃初四年在位四十一年癸未十一月魏軍入陰平今陝西鞏昌府文縣後主請降封安樂公至晉武泰始七年辛卯殂年五十五改元四

建興十五延熙二十景耀六六年十月改元炎興一

右蜀漢二世凡四十三年起辛丑盡癸未

魏太祖以建安九年攻拔鄴城冀州治鄴城今河南彰德府遂留鎮之鄴在戰國時爲魏地故後封於

魏及文帝受漢禪遂定國號曰魏都洛陽

高祖文皇帝姓曹氏名丕字子桓譙人今江南鳳陽府亳州魏王操太子操以建安元年丙子自兗州引

兵入洛陽迎獻帝都許今河南許州尋自爲丞相二十一年丙申由魏公進爵爲王二十四年己亥殂

太子嗣立明年庚子十一月受漢禪改元黃初在位七年丙午五月殂年四十葬首陽陵改元一黃

初

烈祖明皇帝名叡字元仲高祖太子黃初七年丙午五月嗣位明年改元太和漢建興五年在位十三年

己未正月殂年三十四葬高平陵改元三太和七七年二月改元青龍五五年三月改元景初

三

邵陵公名芳字蘭卿烈祖養子初封齊王景初三年己未正月卽位明年改元正始漢延熙三年吳赤烏

三年在位十五年甲戌九月爲司馬師所廢仍歸齊王國至晉武受禪降封邵陵縣公泰始十年甲午

卒年四十三。改元二。正始十。十年四月改元。嘉平六。

高貴鄉公名髦。字彥士。高祖孫。東海王霖子。初封高貴鄉公。嘉平六年十月。爲司馬師所立。改元正元。漢延熙十六年。吳五鳳元年。在位七年。庚辰五月。以討司馬昭不克。遇弒。年二十。改元二。正元三。三年

六月改元。甘露五。

元皇帝名奂。初名璜。字景明。高祖弟燕王宇子。初封常道鄉公。甘露五年庚辰六月。爲司馬昭所立。改元景元。漢景耀三年。吳太平三年。在位六年。乙酉十二月。禪位於晉。封陳留王。至惠帝太安元年壬戌。殂年五十八。追加尊謚。改元二。景元六。六年五月改元。咸熙二。

右魏五主。凡四十六年。起庚子。盡乙酉。

吳 孫氏立國江左。本春秋吳地。太祖始封吳王。及卽尊位。遂定國號曰吳。都建業。今江南江寧府。太祖大皇帝姓孫氏。名權。字仲謀。富春人。今浙江杭州府富陽縣。豫州刺史堅次子。討逆將軍策母弟。堅以初平元年。舉義兵討董卓。二年攻劉表。戰歿。四年。策統父兵取江東。建安五年。遇害。權代統其衆。魏黃初二年辛丑。稱藩於魏。封吳王。明年自稱黃武元年。己酉四月。卽帝位。改元黃龍。漢建興七年。魏太和三年。在位二十四年。壬申四月。殂。年七十一。葬蔣陵。改元六。黃武八。黃龍三。嘉禾七。七年八月改元。赤烏十四。十四年五月改元。太元二。二年二月改元。神鳳一。

侯官侯名亮。字子明。太祖太子。神鳳元年壬申四月。嗣位。改元建興。漢延熙十五年。魏嘉平四年。在位七

年爲孫綝所廢。至景帝永安三年庚辰，又黜爲侯官侯，遂自殺。年十八。改元三。建興二。五鳳三。三年十月改元。太平三。

景皇帝名休，字子烈。太祖第六子。初封琅邪王。太平三年戊寅十月，爲孫綝所立。改元永安。漢景耀元年，

魏甘露三年，在位七年。甲申七月，殂。年三十。葬定陵。改元一。永安。

歸命侯名皓，字元宗，一名彭祖，字皓宗。太祖孫。太子和子。初封烏程侯。永安七年甲申七月，景帝殂，子幼，

丞相濮陽興迎立之。改元元興。魏咸熙元年，在位十七年。庚子四月，晉軍至建業，出降。封歸命侯。太康

四年癸卯，卒。年四十二。改元八。元興二。二年四月改元。甘露二。二年八月改元。寶鼎四。四年十

月改元。建衡三。鳳皇四。四年正月改元。天冊二。二年七月改元。天璽一。天紀四。

右吳四主。凡五十二年。起己酉。盡庚子。

西晉 司馬河內溫人。溫爲春秋時晉地。文帝始封晉王。及武帝受禪，遂定國號曰晉。都洛陽。

世祖武皇帝姓司馬氏，名炎，字安世。溫人。今河南懷慶府溫縣。魏太傅懿孫。晉王昭世子。正始十年己巳，

懿誅大將軍曹爽，始專魏政。子師昭繼之。咸熙二年乙酉九月，昭卒。世子嗣立。十二月，受魏禪。改元泰

始。吳元興二年，在位二十六年。太康元年平吳。天下始一統。庚戌四月，崩。年五十五。葬峻陽陵。改元四。

泰始十。咸寧六。六年三月改元。太康十。太熙一。

孝惠皇帝名衷，字世度。世祖太子。太熙元年庚戌四月，嗣位。改元永熙。至永寧元年辛酉正月，趙王倫篡。

立。改元建始。四月齊王同等討倫。誅之。帝復位。在位十七年。丙寅十一月。中毒崩。年四十八。葬太陽陵。
改元十。永熙二。二年正月改元。永平一。三月改元。元康九。永康二。二年四月改元。永寧二。
二年十一月改元。太安三。三年正月改元。永安一。七月改元。建武一。十二月改元。永興三。
年六月改元。光熙一。

孝懷皇帝名熾。字豐度。世祖第二十五子。初封豫章王。惠帝立爲太弟。光熙元年丙寅十一月。嗣位。明年
改元永嘉。在位五年。辛未六月。劉聰兵陷洛陽。執帝歸平陽。今山西平陽府。封會稽公。癸酉正月。遇害。
年三十。改元一。永嘉。

孝愍皇帝名業。字子旗。世祖孫。初嗣封秦王。洛陽陷後。大臣荀藩等奉帝入長安。稱皇太子。癸酉四月。聞
懷帝凶問。卽位。改元建興。在位四年。丙子十月。劉聰兵陷長安。執帝以歸。丁丑十二月。遇害於平陽。年
十八。改元一。建興。

右西晉四主。凡五十二年。起乙酉。盡丙子。

東晉 都建康。卽建業。因避愍帝諱。改。

中宗元皇帝名睿。字景文。宣帝曾孫。琅邪王覲子。初嗣封琅邪。永嘉元年丁卯。爲安東將軍。鎮建業。丁丑
三月。卽晉王位。改元建武。戊寅三月。卽帝位。改元太興。在位六年。壬午十一月。崩。年四十七。葬建平陵。
改元三。建武一。太興四。永昌一。

肅宗明皇帝名紹字道畿中宗太子永昌元年壬午十一月嗣位明年改元太寧在位三年乙酉八月崩年二十七葬武平陵改元一太寧

顯宗成皇帝名衍字世根肅祖太子太寧三年乙酉八月嗣位明年改元咸和在位十七年壬寅六月崩年二十二葬興平陵改元二咸和九咸康八

康皇帝名岳字世同成帝母弟初封琅邪王咸康八年壬寅奉顯宗遺詔即位明年改元建元在位二年甲辰九月崩年二十三葬崇平陵改元一建元

孝宗穆皇帝名聘字彭子康帝太子建元二年甲辰九月嗣位褚太后臨朝明年改元永和在位十七年辛酉正月崩年十九葬永平陵改元二升平五永和十二

哀皇帝名丕字千齡顯宗子初封琅邪王升平五年辛酉正月孝宗崩無子褚太后立帝明年改元隆和在位四年乙丑二月崩年二十五葬安平陵改元二隆和二二年二月改元興寧三

海西公名奕字延齡哀帝母弟初封琅邪王興寧三年乙丑二月哀帝崩無子褚太后立之明年改元太和在位六年辛未十一月爲桓溫所廢至孝武太元元年丙子卒年四十五改元一太和

太宗簡文皇帝名昱字道萬中宗少子初封會稽王太和六年辛未十一月爲桓溫所立改元咸安明年七月崩年五十三葬高平陵改元一咸安

烈宗孝武皇帝名曜字昌明簡文太子咸安二年壬申七年嗣位明年改元寧康在位二十四年丙申九

月爲張貴人所弑。年三十五。葬隆平陵。改元二。寧康三。太元二十二。

安皇帝名德宗。字德宗。孝武太子。太元二十一年丙申九月嗣位。明年改元隆安。至元興二年癸卯十一月桓玄篡位。帝號楚。改元永始。甲辰二月下。郗太守劉裕自京口今江南鎮江府。起兵討平之。五月帝復位。在位二十二年。戊午十二月爲裕所弑。年三十七。葬休平陵。改元三。隆安五。元興三。義熙十四。

恭皇帝名德文。字德文。安帝母帝。初封琅邪王。義熙十四年戊午十二月爲劉裕所立。明年改元元熙。庚申六月禪位於宋。封零陵王。辛酉遇害。年三十六。追加尊諡。葬冲平陵。改元一。元熙。右東晉十六主。凡一百四年。起丁丑。盡庚申。

宋高祖先世出自彭城。其地春秋時屬宋。高祖始封於宋。以此及卽位。遂定爲國號。都建康。

高祖武皇帝姓劉氏。名裕。字德輿。漢高祖弟楚王交之後。先爲彭城人。今江南徐州。後徙京口。桓玄篡晉。舉兵平亂。義熙十二年丙辰封宋公。元熙元年己未進爵爲王。明年六月受晉禪。改元永初。魏泰常五年。在位三年。壬戌五月殂。年六十。葬初寧陵。改元一。永初。

營陽王名義符。高祖太子。永初三年壬戌五月嗣位。明年改元景平。魏泰常八年。在位二年。甲子五月爲徐羨之等所廢。尋被害。年十九。改元一。景平。

太祖文皇帝名義熙。高祖第三子。初封宜都王。爲荊州刺史。景平二年甲子八月徐羨之等迎立之。改元

元嘉魏始光元年在位三十年癸巳二月爲太子劭所弑年四十七葬長寧陵改元一 元嘉

世祖孝武皇帝名駿字休龍太祖第三子初封武陵王爲江州刺史今江西九江府元嘉三十年癸巳二月自州舉兵討逆劭平之四月卽位明年改元孝建魏興光元年在位十一年甲辰閏五月殂年三十五葬景寧陵改元二 孝建三 大明八

廢帝名子業孝武太子大明八年甲辰閏五月嗣位明年正月改元永光魏和平六年十一月爲左右壽寂之等所弑年十七改元二 永光八月改元 景和

太宗明皇帝名彧字休炳太祖第十一子初封湘東王景和元年乙巳十一月廢帝被弑建安王休仁等奉帝卽位改元泰始魏和平六年在位八年壬子四月殂年三十四葬高寧陵改元二 泰始七 太

豫一

蒼梧王名昱字德融太宗養子太豫元年壬子四月嗣位明年改元元徽魏延興三年在位五年丁巳七月爲左右楊玉夫所弑年十五改元一 元徽

順皇帝名準字仲謀太宗養子初封安成王元徽五年丁巳七月爲蕭道成所立改元昇明魏太和元年

在位三年己未四月禪位於齊封汝陰王尋被害年十三追加尊諡葬遂寧陵改元一 昇明

右宋八主凡六十年起庚申盡己未

齊 太祖初封齊取讖文金刀齊刈語爲齊當代劉宋之兆既受禪遂以爲國號都建康

太祖高皇帝姓蕭氏，名道成，字紹伯，南蘭陵人。今江南常州府武進縣宋明帝末年，以太子左衛率同褚淵等受遺輔政。蒼梧遇弒，迎立順帝，始專宋政。昇明三年己未三月，封齊公。四月，進爵爲王，旋受宋禪。改元建元。魏太和三年，在位四年。壬戌三月，殂。年五十六。葬泰安陵。改元一。建元。

世祖武皇帝名隨，字宣遠，太祖太子。建元四年壬戌三月，嗣位。明年改元永明。魏太和七年，在位十一年。

癸酉七月，殂。年五十四。葬景安陵。改元一。永明。

鬱林王名昭業，字元尚，世祖太孫。文惠太子長懋子。永明十一年癸酉七月，嗣位。明年改元隆昌。魏太和十八年七月，爲蕭鸞所弒。年二十二。改元一。隆昌。

海陵王名昭文，字季尚，鬱林王弟。甲戌七月，爲蕭鸞所立。改元延興。魏太和十八年十月，被廢。尋遇害。年十五。改元一。延興。

高宗明皇帝名鸞，字景棲，太祖兄始安王道生子。延興元年甲戌十月，廢海陵而自立。改元建武。魏太和十八年，在位五年。戊寅七月，殂。年四十七。葬興安陵。改元二。建武五。五年四月，改元。永泰一。

東昏侯名寶卷，字智藏，高宗太子永泰元年戊寅七月，嗣位。明年改元永元。魏太和二十三年，在位三年。辛巳十二月，爲張稷所弒。年十九。改元一。永元。

和帝名寶融，字智昭，高宗第八子。初封南康王，爲荊州刺史。永元三年辛巳三月，長史蕭穎胄及雍州刺史蕭衍以東昏失德，立帝於江陵。今湖廣荊州府。改元中興。魏景明三年，明年三月，禪位於梁。封巴陵。

王尋遇害年十五。追加尊諡。葬恭安陵。改元一。中興。
右齊七主。凡二十四年。起己未。盡壬午。

梁 高祖始據圖讖。以己名衍。而讖有竭河梁語。梁所以度水。故始封梁。後遂定爲國號。都建康。

高祖武皇帝姓蕭氏。名衍。字叔達。南蘭陵人。與齊同祖。明帝末年。爲雍州刺史。辛巳三月。尊立和帝於江陵。自舉州兵東下。十一月。克建康。明年二月。封梁公。三月。進爵爲王。四月。受齊禪。改元天監。魏景明三年。在位四十八年。己巳三月。侯景作亂。攻陷都城。五月。帝以餒殂。年八十六。葬脩陵。改元七。天監十八。普通八。八年三月。改元。大通三。三年十月。改元。中大通六。大同十二。十二年四月。改元。

中大同二。二年四月。改元。太清三。

太宗簡文皇帝名綱。字世讚。高祖太子。己巳五月。嗣位。明年改元大寶。西魏大統十五年。東魏武定八年。齊天保元年。在位二年。辛未八月。爲侯景所廢。景立高祖曾孫豫章王棟。改元天正。帝尋遇害。年四十九。葬莊陵。棟立四月。侯景篡立。僭號漢。改元大始。改元一。大寶。

世祖孝元皇帝名繹。字世誠。高祖第七子。初封湘東王。爲荊州刺史。壬申二月。遣兵討平侯景。十一月。卽位於江陵。改元承聖。魏廢帝元年。齊天保三年。在位三年。甲戌十一月。西魏攻拔江陵。帝出降。見弑。年四十七。改元一。承聖。

敬皇帝名方智。字慧相。世祖第九子。初封晉安王。爲江州刺史。乙亥二月。大臣王僧辯。陳霸先等迎至建